

Kantonalno javno komunalno preduzeće „RAD“ Sarajevo, ulica Paromlinska 57, Sarajevo, koga zastupa direktor Selim Babić dipl.ing.građ. (u daljem tekstu:Kupac).

Identifikacioni PDV broj: 200316890001
Poreski broj: 01700105
Broj rješenja: UF/I-889/01
Transakcijski broj računa: 338-900-22080776-49
UniCredit banka dd Sarajevo

I

“GRADATIN”doo Sarajevo, ulica Prušćakova br. 13, koga zastupa direktor Amer Mudžolet (u daljem tekstu: Prodavac)

Identifikacioni PDV broj: 201231250000
Broj rješenja: 1-26289 065-0-Reg-07-000377
Transakcijski broj računa: 134-460-1000698552
ASA Banka

zaključili su

U G O V O R

o nabavci kanti za prikupljanje otpada

PREDMET UGOVORA

Član 1.

Predmet ovog Ugovora je nabavka kanti za prikupljanje mješanog komunalnog otpada 240l: crna boja (500,00 kom) i žuta boja (500,00 kom) i kanti za prikupljanje mješanog komunalnog otpada 120l: crna boja (500,00 kom) i žuta boja (500,00 kom), u skladu sa ponudom Prodavca broj 190/18-AM od 05.12.2018. godine koja je sastavni dio ovog Ugovora, prema Odluci o rezultatima okončanog postupka javne nabavke broj 05-03-04-21041/18 godine donesene 13.12.2018. godine po Obavještenju o nabavci objavljenom na portalu javnih nabavki dana 12.11.2018. godine.

CIJENA

Član 2.

Cijene proizvoda su fiksne i nepromjenljive. Fakturisanje robe vrši se po važećem cjenovniku Prodavca iskazanom u Specifikaciji koja čini sastavni dio ponude broj 190/18-AM od 05.12.2018. godine. Ponudom je utvrđena jedinična cijena robe iz člana 1. ovog Ugovora, koja iznosi:

- Plastična kanta za sakupljanje mješanog komunalnog otpada 240l – crna boja: 41,40 KM, bez uračunatog PDV-a;
- Plastična kanta za sakupljanje mješanog komunalnog otpada 240l – žuta boja: 41,40 KM, bez uračunatog PDV-a;
- Plastična kanta za sakupljanje mješanog komunalnog otpada 120l – crna boja: 27,00 KM, bez uračunatog PDV-a;
- Plastična kanta za sakupljanje mješanog komunalnog otpada 120l – žuta boja: 27,00 KM, bez uračunatog PDV-a;

Očekivana godišnja vrijednost (za 2018./2019. godinu) iznosi 68.400,00 KM bez uračunatog PDV-a.

Kupac se ne obvezuje na nabavku utvrđenih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava.

ROK I MJESTO ISPORUKE

Član 3.

Isporuka kanti iz člana 1 i 2. ovog Ugovora je 30 dana od narudžbe Kupca, a isporuka će se obaviti u prostorijama Kupca.

Vršenje isporuke robe u se vrši u jasno definisanom roku od po zaprimanju pismenog zahtjeva ili narudžbe ugovornog organa.

U slučaju kašnjenja u isporuci robe do kojeg je došlo krivicom Prodavca, isti će platiti ugovornu kaznu u skladu sa Zakonom o obligacionim odnosima u iznosu od 1% od vrijednosti roba za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti koja je predmet narudžbe. Prodavac je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Kupac neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Prodavac nije mogao uticati niti ih predvidjeti.

NAČIN PLAĆANJA

Član 4.

Ugovorne strane su saglasne da će Kupac izvršiti uplatu cijene iz člana 2. ovog Ugovora na transakcijski račun Prodavca, odgođeno 60 dana po isporuci.

GARANCIJA

Član 5.

Isporučilac je obavezan dostaviti garanciju u iznosu od 10% od ukupne vrijednosti ugovora za dobro izvršenje posla. Rok za dostavljanje garancije je deset (10) dana od dana potpisivanja Ugovora.

Ukoliko ista ne bude dostavljena u datom roku, smatrati će se da je Isporučilac odustao od Ugovora.

KVANTITATIVNI I KVALITATIVNI PRIJEM REKLAMACIJA

Član 6.

Kvantitativni i kvalitativni prijem kontejnera vrši se prilikom preuzimanja istih.

Reklamacije Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe.

Prodavac je dužan da po prijemu zapisnika neodgovarajuće robe, iste povuče od Kupca.

Reklamaciju na kvalitet Kupac će dostaviti u roku od 5 (pet) dana po saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

IZMJENE I DOPUNE

Član 7.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 8.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

OSTALE ODREDBE

Član 9.

Ugovor stupa na snagu danom potpisivanja i traje do 28.12.2019. godine ili do datuma ispunjenja ugovorenih obaveza.

Član 10.

Otkaz ovog Ugovora daje se preporučenim pismom, a ugovor se može raskinuti sa otkaznim rokom od 30 dana. U slučaju raskida Ugovora, ugovorne strane će izmiriti sve svoje obaveze nastale do dana raskida Ugovora.

Član 11.

Sastavni dio ovog Ugovora je Ponuda ponuđača broj 190/18-AM od 05.12.2018. godine.

Član 12.

Ugovor je sačinjen u 6 (šest) istovjetnih primjeraka, od kojih 4(četiri) primjerka zadržava Kupac, a 2 (dva) primjerka zadržava Prodavac.

“GRADATIN“ doo Sarajevo
Direktor

Mudželet Amer

KJKP ”RAD” doo Sarajevo
Direktor

Selim Babić dipl.ing.grad.

SUPOTPISNIK UGOVORA
Predsjednik Nadzornog odbora
Hajrudin Omerbegović, MA – dipl.ing.saobr.

Broj: 05-03-04- /18
Datum: 28.12.2018. godine